



Ikamva-Ukunonophela
abantwana bethu

IsiKolo SeCawa 1

Isihloko sesifundo: Ukufa kukaYesu emnqamlezweni / Uvuko

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa esithi **“Ukufa kukaYesu emnqamlezweni / Uvuko”**

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neependisile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasini ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncdo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.

Ukwenza iSifundo seSikolo seCawa ekhaya



Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amangaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo seCawa.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).
4. Thetha kunye nomphathi webandla wesikolo seCawa okanye utitshala.



Isifundo

Isihloko seSifundo	Ukufa kukaYesu emnqamlezweni / Uvuko
Isicatshulwa seBhayibhile	Mateyu 27: 33-50, Mateyu 28: 1-10, Luka 23: 32-38 kunye noLuka 24: 1-12
Injongo yesifundo	Abantwana bafunda ukuba uYesu Krestu wakoyisa ukufa kwaye wabuya wavuka ekufeni. Ngokuvuka kukaYesu, uThixo usinike ithemba, kuba yonke into ayifikeleli esiphelweni xa umntu esifa.

Isishwankathelo sesifundo:

- Nyaka ngamnye ngePasika amaYuda amaninzi ayesiya eYerusalem kwaye ayehlala ezintendeni zawo ejikeleze isixeko.
- Namhlanje, bonke bemi bejonge kmajoni amaRoma akhokela amadoda amathathu, agwetyelwe ukufa, eGolgotha. Ayeza kubethelelwa khona.
- Abanye babengakhohwa xa bebona ukuba enye yala madoda yayinguYesu waseNazarete.
- Kwiintsuku nje ezimbalwa ezidlulileyo wangena esixekweni saseYerusalemekhwele i-esile logama izihlwele zazimvuyela zimamkela. Sikhumbula ukungena kukaYesu eYerusalem ngeCawa yamaSundu.
- EGolgotha amajoni abethelela uYesu emnqamlezweni phakathi kwezihange ezimbini.
- Kwakulisiko ukubhala isizathu zokugwetyelwa ukufa emnqamlezweni. Emnqamlezweni kaYesu kwakubhalwe "INRI", okwakuthetha ukuba: UYesu waseNazarete, uKumkani wamaYuda.
- Ekuthandeni kukaYesu abantu bonke, ngelixa wayexhonywe emnqamlezweni, wathandazela abo babembethelela emnqamlezweni: "Bawo baxolele, kuba abayazi into abayenzayo".
- Ngelixa u Yesu wayexhonywe emnqamlezweni, waphathwa gadalala kwaye wathukwa ngabo babemthiyile.
- Abanye babembiza besithi: "Usindise abanye akunako ukuzisindisa ngoku?" Wathi tu uYesu.
- Mnye kuphela umfundi kaYesu kunye nabafazi abathile ababekhona emnqamlezweni. Omnye wabafazi yayingunina kaYesu.
- UYesu wayebulaleka kabuhlungu. Wacela amanzi okusela.



- Baye bathi nkxu isiponji kwiviniga, basibeka ekupheleni kwenduku ende baza basikisa kwimilebe kaYesu.
- Emva kokuba uYesu emanzise imilebe yaKhe, wakhala kakhulu, “Kugqityiwe! Ngoku konke kuzalisekisiwe.”
- Waza wawavala amehlo akhe, wafa, kwangelo xesha linye washukuma umhlaba.
- Abantu abaninzi ababemthanda uYesu baba nosizi kwaye bengasiqondi isizathu sokuba kwenzeke oku.
- Kwiintsuku ezimbalwa kamva njengokuba amaYuda eqalisa uhambo lwabo lokugoduka, badibana nabahambi abovuyayo abakhwaza kubo besithi: "UYesu uyaphila"
- "Umntu ofileyo angaphila njani?" Abahambi baqalisa ukubaxelela.
- “Emva kokuba beyingcwabile iNkosi uYesu, abanye abafazi baya engcwabeni, kodwa bafika ingcwaba lingenanto.
- lingelosi zathi kubo: “Kutheni nimfuna nje uNyana kaThixo phakathi kwabafileyo? Uvukile! Uyaphila!" Emva koku uKrestu wabonakala kwabanye babafazi eyayingabafundi baKhe.
- Abantu ababemthanda uYesu bavuya kakhulu kukuva ezi ndaba zilungileyo.

Sithetha ukuthini esi sifundo kuthi namhlanje?

- UKristu wabulaleka njengomntu, kodwa njengoNyana kaThixo waboyisa ububi, kuba ububi buyahlukanisa noThixo.
- Ngenxa yothando loluntu, uThixo wamncama uNyana waKhe ekuphela kwakhe kwaye ngobingelelo lukaYesu indlela esa ebomini obungunaphakade yavulelwa thini.
- Asisafuneki sikoyike ukufa, kuba uThixo unamandla kunokufa.
- Ayisiyiyo yonke into ephelayo xa umntu efile, sinethemba lobomi obungunaphakade noYesu xa esiza kusilanda.
- UYesu uyaphila kwaye usondele kuthi:
 - NgoMoya oyiNgcwele ongaphakathi kuthi
 - Ngeenkokheli ezithunywe Nguye
 - Ngamandla aKhe, esiwamkela kuMthendeleko oNgcwele
 - UYesu usezintliziweni zethu, xa siliva ilizwi lakhe
 - Usondele xa sithetha ngaye naxa sinceda, sithuthuzela kwaye sizisa uxolo njengoko wenzayo.



Eminye imibuzo esinokuyibuza:

1. Kwenzeka ntoni ngeCawa yamaSundu?

Impendulo: UYesu wangena eYerusalem ekhwele i-esile kwaye abantu bamamkela ngokuphosa amagqabi esundu phambi kwakhe kwaye bavuya.

2. Kwenzeka ntoni ngoLwesihlanu oLungileyo?

Impendulo: UYesu wabethelelwa emnqamlezweni.

3. Lithini igama lendawo apho uYesu wabethelelwa khona emnqamlezweni?

Impendulo: YiGolgotha

4. Silukhumbula ngaluphi usuku ukuvuka kukaYesu?

Impendulo: NgeCawa yePasika

5. Sazi njani ukuba uThixo unamandla kunokufa?

Impendulo: UYesu uyaphila kwaye wasinika ubomi obungunaphakade

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen